



# Levantamentu Covid-19 iha Timor-Leste

*Photo credit: Aklo Ximeno*

Apoiun husi:



Implementa husi:



Prodús husi:



Publikasaun ida-ne'e finansia husi Governu Australianu através Ministériu Negósiu Estranjeiru no Komérsiu (Department of Foreign Affairs and Trade). Opiniaun sira mak ható'o iha publikasaun ida-ne'e nu'udár autór nian mesak no la nesesariamente reprezenta opiniaun husi Governu Australianu nian.

# Levantamentu COVID-19 iha Timor-Leste



Sé? Adultus Timoroan nain 423



Halonu'usá? Liuhusi telefone, 19-25 Maiu 2020



Futuru? Akompaña rezultadus iha Julu

## Dezafiu boot liu mak Timor-Leste hasoru




**61%** COVID-19



**18%** Polítika



**10%** Ekonomia



hanoin Timor-Leste la'ó ba diresaun sala

## Preokupasaun boot liu

Pelumenus preokupa liu kona-ba...


Osan **73%**



Saúde **71%**



Hahán **68%**




**Atualmente ka anteriormente izola an**



**1/2**



fiar katak governu atu tau-matan ba sira durante COVID-19



### Resposta atuál husi governu:



**Hahalok sira** (% aplika barak tebes)  **86%** Máskara

 **85%** Fase liman  **77%** Serbisu husi uma

 **74%** distánsia 2m  **74%** Evita área públiku

 **71%** Hela de'it iha uma  **65%** Evita halibur malu

**93%**

Sei ba **ospítal** se bainhira sira hetan sintomas

Programa	Elejibilidade	Satisfasaun
Subsídiu eletrisidade	<b>69%</b>	<b>93%</b>
Empréstimu ba mikroempresas	<b>12%</b>	<b>82%</b>
Subsídiu saláriu traballadór	<b>11%</b>	<b>84%</b>
Eskola ba Uma (Eskola Ba Uma)	<b>66%</b> (akompaña)	<b>47%</b>
Uma Kain (subsídiu \$100)	<b>79%</b> (sei uza hodi sosa hahán)	



**55%** Hakarak atu governu hapara ona Estadu Emerjénsia, no



**35%**

Hanoin katak governu tenki fó tan osan ba uma-kain sira

Iha loron 30 ikus nia laran,



**7** husi **10** mak hamenus porsaun han ka kesi-kabun

tanba laiha **osan suficiente** ba hahán

# 70% hanoin COVID-19 halo sira-nia komunidade sai hamutuk liutan

## Desde Estadu Emerjénsia, Mellora tan relasaun diak

92%	Família	+33%
88%	Viziñu sira	+26%
80%	Komunidade	+21%

*Maibé... de'it mak*



58% Fó ajuda



52% Simu ajuda

ba / husi kolega ka viziñu sira  
(pelumenus dalabalun)

## Loos duni katak...

78% Ema sai suspeitozu ka tauk liutan ba sira hirak ne'ebé suspeitu/konfirmadu ho kazu COVID-19

64% Timor-Leste sai MENUS tolerante hasoru ema sira ne'ebé komunidade la koñese

90% Ita-boot sira bele adapta ba mudansa

82% Ita-boot sei rekupera fali depoizde moras ka tempu susar nian



### Impaktu pozitivu sira husi COVID-19

Pasa tempu ho família (53%), Sente sai parte husi komunidade (53%), Saúde física (53%), Saúde mental (51%), Ita-boot sente seguru oinsá (50%)



### Impaktu negativu sira husi COVID-19


Empregu (52%), Rendimentu uma-kain (50%)

## Fonte ba notisia no informasaun ne'ebé konfia liu ba...

### Televisaun



Barak liu mak hare'e  
76% RTTL  
67% GMN




### Rádiu



Barak liu mak rona  
42% RTTL  
29% Radio Maubere  
20% GMN

78% uza **Televisaun** ka **Rádiu** nu'udár fonte informasaun ida kona-ba programa subsidiu husi governu

Maioria respondente akompaña **COVID-19** no notisia sira seluk pelumenus **besik** natoon



\*15.5+40.7=56.2%, 8.5+41.0=49.5%, 9.4+38.3=47.7%

## Akompañamentu ba notisia barakliu mak iha Dili

Dili  
COVID-19 – 83%  
Política nasional – 75%



Fora husi Dili  
COVID-19 – 83%  
Política Nasional – 75%

Ami hakarak hato'o agradesimentu ba respondente nain 423 ba sira-nia tempu no entrevistador nain 14 iha Dili ne'ebé hala'o levantamentu ne'e.

Apoiun husi



Implementa husi



Prodús husi



# Antesedénsia

## Peskiza ida-ne'e kona-ba saida?

COVID-19, ka pandemia globál coronavirus ezije ona resposta boot tebes husi governu sira iha mundu tomak. Timor-Leste iha ninia rekezitu úniku rasik bainhira responde ba eventu ida ho magnitude hanesan ida-ne'e. Governu Timor-Leste responde hodi deklara estadu emerjénsia ida, ne'ebé taka eskola sira, suspende transporte públiku no halibur malu iha grupu boot, fexamentu instituida ba fronteira no estabelese rekezitus ba distansiamentu sosiál.

Embora medida hirak-ne'e aplika hodi evita COVID-19 nabelar bá-mai, Governu Timor-Leste mós rekoñese impaktu sosiál no ekonómiku nian no introduza programa lubuk ida ba apoiu finanseira nian, la'ós de'it atu fó apoiu ba sidadaun bainhira sira halo auto-kuarentena, maibé mós atu estimula ekonomia.

Dahuluk husi programa hirak-ne'e mak subsidiu uma-kain \$100 kada fulan, ne'ebé koñesidu nu'udár Apoiu Monetáriu ba COVID-19, ka Uma Kain \$100. Programa apoiu sira seluk inklui:

- Subsidiu eletrisidade ho montante \$15 kada fulan;
- Subsidiu 60% ba saláriu traballadór nian inklui kondutór mikrolét no taksi sira; no
- Mikroempréstimu ba negósiu/empreza sira.

Aleinde kampaña sensibilizaun no informasaun COVID-19 nian sira seluk, governu mós lansa programa Eskola ba Uma, programa aprendizajen remota ida ba estudante sira ne'ebé izola an iha uma.

Iha kotuk ba medida sira iha leten ne'e, Timor-Leste hasoru daudaun virajen polítika ida ho mudansa resente ba aliansa partidária sira iha Parlamentu no mós nomeasaun ba Ministru foun nain 8. Sorte di'ak, Timor-Leste to'ó agora consege evita impaktu ne'ebé aat liu husi pandemia ne'e kompara ho nasaun barak seluk, ho número kazu ne'ebé ki'ik. Konsiderasaun tuirmai mak impaktu ekonómiku longuprazu husi Estadu Emerjénsia nian.

Peskiza ida-ne'e buka atu komprende:

- Povu Timor-Leste nia preokupasaun sira;
- Oinsá sira adapta ba medidas prevensaun no tau-matan ba sira-nia saúde;
- Nível konfiasan iha governu;
- Uzu no satisfasaun kona-ba programa sira governu nian;
- Impaktu sosiál no ekonómiku husi pandemia COVID-19;
- Reziliénsia husi ema ida-idak no sira-nia comunidade; and
- Fontes ba notisia no informasaun ne'ebé populasaun Timor-Leste konfia ba hodi mantein informadu kona-ba pandemia ne'e.

## Peskiza ne'e hala'o ba sé?

Fundasaun Ázia serbisu hamutuk ho povu Timor-Leste kuaze besik tinan 30 ona hodi haree ba asuntu sira hanesan empregu, direitus feto nian, no polisiamentu komunitária, no komisiona peskiza ida-ne'e. Rezultadu sira sei uza hodi halo advokasia ba Governu Timor-Leste no doador sira ba kestaun sira relasiona ho COVID-19. Peskiza ida-ne'e hetan apoiu husi Governu Australianu através Ministériu Negósiu Estranjeiru no Komérsiu (DFAT).

## Peskiza ne'e hala'o oinsá?

Sentru atendimentu ida bazeada iha Dili mak hala'o entrevista 423 ho ema adultu sira iha Timor-Leste, uza lista amostra ida husi respondente sira uluk nian ba Fundasaun Ázia nia levantamentu Tatoli. Entrevista sira-ne'e hala'o entre loron 19 no 25 Maiu 2020. ORIMA Research (Austrália) serbisu hamutuk ho Fundasaun Ázia iha elaborasaun ba kestionáriu no metodolojia koleta dados, realiza verifikasaun ba qualidade dados, no halo análise no relatóriu. Detalle barak tan bele haree iha seksaun metodolojia husi relatóriu ida-ne'e. ORIMA Research mós karrega/upload rezultadu kompletu nia ba iha plataformaVizualizasaun Q2i, permite kualkér ema ida atu hatene di'akliu rezultadus levantamentu nian iha detalle: [surveys.asiafoundation.org/Dashboard?SurveyCode=TLCV](https://surveys.asiafoundation.org/Dashboard?SurveyCode=TLCV)

## Futuru

Intensaun mak katak levantamentu ida-ne'e sei hala'o filafali iha intervalu fulan 2 nia laran atu haree oinsá resposta sira-ne'e hetan mudansa husi tempu ba tempu. Tuirmai relatóriu ida-ne'e no plataforma vizualizasaun Q2i nian sei atualizadu atu refleta dadus ida-ne'e.

## Rezultadu sira


### Preokupasaun sira ne'ebé boot liu

Ein jerál, iha momentu hala'o levantamentu ne'e respondente barak sente katak Timor-Leste la'o daudaun ba iha diresaun sala (58%) kompara ho iha diresaun loos (38%) – fó hela pontuasaun mínima ida ho -20%.

Proporsaun ida aas husi respondente sira fiar katak Timor-Leste la'o daudaun ba **diresaun loos** se sira-nia uma-kain mak elejivel atu hetan subsidiu eletrisidade (41%) ka subsidiu ba traballadór nian (55%).

Respondente sira iha probabilidade boot liu atu hanoin katak Timor-Leste la'o daudaun ba **diresaun sala** se sira hela iha Dili nia li'ur (61%) kompara ho sira mak hela iha Dili (49%). Feto no mane sira iha probabilidade hanesan atu dehan katak nasaun ne'e la'o daudaun ba diresaun sala.<sup>1</sup>

### Ko'alia ein jerál...



### Hanoin Timor-Leste la'o ba diresaun sala

### Dezafiu boot liu mak Timor-Leste hasoru

# COVID-19

### Dezafiu sira seluk



Polítika – 18%  
Ekonomia ne'ebé fraku – 10%

Porsentu neenulu resin-ida (61%) husi respondente sira dehan katak dezafiu boot liu ne'ebé Timor-Leste hasoru mak COVID-19, inklui nia impaktu ba saúde. Preokupasaun seluk inklui problema polítika (18%) no ekonomia ne'ebé fraku (10%). Respondente sira ho idade 17 to'o 24 iha probabilidade boot liu atu dehan katak COVID-19 mak úniku dezafiu ne'ebé boot liu (71%) kompara ho sira ne'ebé ho idade 45 ba leten (53%). Respondente sira ne'ebé iha oan akompaña ba programa edukasaun Eskola ba Uma kuaze loroloron ne'e mós iha probabilidade boot liu atu dehan katak COVID-19 mak


úniku problema ne'ebé boot liu (80%).

COVID-19 sai nu'udár problema ida husi problema tolu boot liu ne'ebé fó impaktu ba ema ida-idak (80%) no sira-nia comunidade (76%). Kestaun ne'ebé ho klasifikasaun aas liu segundu mak ekonomia ne'ebé fraku (63% ba ema ida-idak, 64% ba comunidade). Respondente barak liu mak dehan katak kestaun polítika nian sira nu'udár problema ida boot liu ba sira nu'udár individuál (49%) duké ba comunidade (37%). Problema sira seluk inklui menus hahán (39% / 41%) no menus transporte (33% / 41%).

Ema sira ne'ebé ho idade 45 ba leten iha probabilidade boot liu atu sai preokupadu ho ekonomia ne'ebé fraku (71%). Respondente sira ne'ebé mak nia família agora daudaun halo hela auto-kuarentena iha probabilidade boot liu atu sai preokupada kona-ba seguransa alimentár (55%).

<sup>1</sup> Diferensas jéneru nian ne'e nota iha faze análise wainhira observa kestaun hirak-ne'e. Haree seksaun metodolojia nian hodi hetan detalles.


**Problema 3 ne'ebé boot liu nu'udar ema individuál no ita-nia comunidade (Resposta liu ida, hatudu problema ualu ne'ebé komún liu)**



Respondente sira preokupadu tebetebes kona-ba iha osan suficiente ba sira-nia família iha tempu agora (73%) no iha futuru (73%). Iha mós preokupasaun aas kona-ba risiko COVID-19 ba saúde pesoál (71%) no mós ba família/kolega sira (67%), seguransa alimentár (68%), no seguransa pesoál (67%).

Respondente sira iha Dili ladún preokupadu kona-ba iha osan suficiente ba sira-nia família iha tempu agora (63% mak preokupadu tebes). Jeralmente, sira ne'ebé ho empregu la'ós relasionadu ho agrikultura nian ladún preokupadu kona-ba pontu hotu-hotu (48-57% mak preokupadu tebes), kompara ho respondente sira ne'ebé iha oan akompaña ba programa edukasaun Eskola ba Uma (51-59%) ka uza mídia sosiál ka internét loroloron (57-61%).


**Iha momentu ida-ne'e, karik ita-boot preokupadu kona-ba:**



## Medidas preventivas no hahalok kona-ba assisténsia saúde

Porsentu neenulu resin-ualu (68%) husi respondente sira to'ó iha momentu balun halo ona auto-kuarentena. Idate ne'e inklui porsentu 27 mak agora daudaun, no porsentu 42 mak anteriormente halo ona auto-kuarentena. Porsentu tolunulu resin-ida (31%) mak nunca halo auto-kuarentena.

Respondente sira iha Dili iha probabilidade menus atu halo auto-kuarentena (61%). Se merkadu sira maioria taka hotu iha área lokál sira, respondente sira iha probabilidade boot liu atu halo auto-kuarentena (74%).<sup>2</sup>




Husu deklarasaun balun ba respondente sira kona-ba sira-nia hahalok ba preventivaun COVID-19 durante semana pasadu. Hahalok ne'ebé aplikável liuhotu mak uza máskara (86%) no fase liman (85%). Hahalok sira seluk inklui serbisu husi uma (77%), mantein distánsia metru rua husi ema seluk (74%), evita fatin públiku sira (74%) no hela de'it iha uma anaunsér ba nesidades esensíal (71%). Maioria kí'ik ida mak la partisipa iha reuniaun sosiál sira (65%).

Porsentu haatnulu resin-ualu (48%) husi respondente sira dehan katak hahalok hitu ne'e hotu aplika tebetebes ba sira, ho porsentu hitu (7%) mak dehan katak laiha hahalok sira-ne'e ida mak aplika liu kedas ba sira.

Feto sira iha probabilidade boot liu atu mantein distánsia metru rua (80%) kompara ho mane sira (70%). Se bainhira merkadu sira taka iha área lokál, respondente sira iha probabilidade boot liu atu hela de'it iha uma (81%), evita fatin públiku (83%) no serbisu husi uma (84%). Se maioria merkadu sira loke, respondente sira iha probabilidade menus atu hela de'it iha uma (55%).

### Hahalok sira seguru hasoru COVID-19 iha semana liubá



<sup>2</sup> Izola an ne'e tuir ami-nia intensaun katak bainhira ema ida ka família hela de'it iha uma, esklui ba tarefa esensíal sira hanesan sosa hahán ka ba halo tratamentu médiku.

Respondente sira ne'ebé mak la akompaña notisia loroloron liuhusi jornál, rádiu ka televizaun iha probabilidade menus atu uza máskara bainhira sai husi uma (75%) ka fase sira-nia liman (78%).

Maioria boot husi respondente sira mak dehan katak se sira iha sintomas COVID nian sira sei foti pelumenus tipu ruma husi asaun preventiva nian, no barak liu mak sei foti pasu diferente balun. Se respondente sira iha sintomas relasionadu ho COVID-19, porsentu 93 mak sei ba iha ospital ka klinika saude ida. Porsentu sianulu resin-ida (91%) sei fó-hatene ba ema sira mak besik ba sira, no porsentu 84 sei hela de'it iha uma. Trés-kuartu husi respondente sira (75%) sei halo medida tolu ne'e hotu se bainhira sira hetan sintomas.

**Se ita hetan sintomas, karik ita-boot sei:**

- 93%** Ba iha ospital ka klinika saude ida
- 91%** Fó-hatene ba ema sira besik ba hau
- 84%** Hela de'it iha uma
- 94%** Sei halo **pelumenus rua** husi medida sira iha leten
- 75%** Sei halo **tolu hotu** husi medida sira iha leten


Respondente sira ne'ebé mak akompaña televizaun, rádiu ka jornál loroloron ne'e iha probabilidade menus atu fó-hatene ba ema sira besik ba sira se bainhira sira hetan sintomas (83%). Se respondente ida nia familia mak elejivel atu hetan subsidio ba saláriu traballador nian, entaun sira iha probabilidade boot liu atu hela de'it iha uma se bainhira sira hetan sintomas (97%). Katuas-ferik sira (78%) no sira iha Dili (77%) iha probabilidade menus atu hela de'it iha uma.

**Konfiansa ba governu**

Uitoan de'it lato'o metade (49%) husi respondente sira fiar katak governu atu tau-matan ba ninia sidadaun sira durante COVID-19, inklui liu un-kuartu (26%) ne'ebé konfia **tebes**. Un-tersu (33%) mak ladun konfia/laran-metin ba governu, inklui porsentu 11 ne'ebé deskonfia/la laran-metin **liuliu**.

Konfiansa ne'e aas liu ba uma-kain ne'ebé hetan impaktu negativu ida ba sira-nia rendimentu uma-kain nian tanba COVID-19 (konfiansa 61%). Konfiansa ne'e mós aas entre respondente sira ne'ebé nunca uza midia sosial ka internét (58%). Deskonfiansa mós aas entre uma-kain sira ne'ebé mak agora daudaun halo hela auto-kuarentena (45%).

**Boot oinsá ita-nia konfiansa ba governu atu tau-matan ba ninia sidadaun sira durante COVID-19?**




Besik metade husi respondente sira (51%) mak hanoin katak reasaun inisial governu nian ne'e adekuaudu, ho proporsaun ida atu hanesan mak hato'o hanoin ne'ebé hanesan bainhira husu kona-ba reasaun atuál (52%). Dala ida tan, proporsaun ida atu hanesan mós mak hanoin katak Timoroan sira-nia reasaun ne'e adekuaudu (49%).

Iha respondente ida husi nain lima (20-21%) mak hanoin katak governu no Timoroan sira-nia reasaun ne'e lanatoon, no proporsaun ida boot liu uitoan (26-29%) mak hanoin katak reasaun ne'e estremu liu. Porsentu ualunulu (80%) husi respondente sira mak fó klasifikasaun hanesan kona-ba governu nia resposta inisial no atuál.

Respondente sira ne'ebé mak agora daudaun halo hela auto-kuarentena iha probabilidade boot liu atu dehan katak reasaun ne'e lanatoon (37-44%), no respondente sira ne'ebé mak la elejivel ba subsidio eletrisidade ne'e iha probabilidade boot liu atu dehan katak reasaun ne'e estremu liu (39-41%). Wainhira impaktu husi COVID-19 nian ba rendimentu uma-kain nian ne'e negativu, proporsaun ida aas husi respondente sira mós dehan katak ein jerál reasaun ne'e estremu liu (32-37%).




### Oinsá ita-nia hanoin kona-ba reasaun husi...



### Uzu ba no satisfasaun ho programa sira governu nian

**Se uma-kain ida-ne'e simu Apoiu Monetária/ subsidiu ba uma-kain nian husi governu, prinsipalmente ita-boot sei uza ba saida?**




Ida husi programa dahuluk sira ne'ebé anusia husi governu mak **Selu subsidiu ba uma-kain**, ne'ebé mós koñesidu nu'udár Apoiu Monetáriu ba COVID-19. Porsentu hitunulu resin-sia (79%) husi respondente sira sei uza ida-ne'e hodi sosa hahán.

Porsentu neenulu resin-sia (69%) husi respondente sira dehan katak sira-nia uma-kain mak elejível (simu ona osan ne'e ka hein hela ba osan ne'e) ba **subsidiu eletridade** hanesan parte husi programa apoiu governu nian. Proporsaun ki'ik mak dehan katak sira-nia uma-kain mak elejível ba **empréstimu ba mikroempresass** (12%) no **subsidiu ba saláriu traballadór** (11%). Ba uma-kain sira ne'ebé mak elejível ba subsidiu eletridade (69%), maioria (84%) mak simu tiha ona osan ne'e.

Elejibilidade uma-kain ba subsidiu eletridade (93%), subsidiu ba saláriu traballadór (19%) no empréstimu ba mikroempresas (19%) ne'e aas liu iha Dili laran. Proporsaun ida ki'ik husi traballadór agrikultura nian sira mak dehan katak sira elejível atu hetan subsidius (59% eletridade, 6% saláriu ba traballadór, 6% empréstimu ba mikroempresas). Respondente sira ne'ebé mak la konfia ba televizaun nu'udár fonte notísia nian ida ba informasaun kona-ba COVID-19 ne'e iha probabilidade menus atu iha hanoin katak ema ruma iha sira-nia uma-kain laran mak elejível (45% eletridade, 4% saláriu ba traballadór, 4% mikroempresaz). Se respondente sira hanoin katak sira-nia uma-kain ne'e mak elejível atu hetan subsidiu sira-ne'e ida, entaun sira iha probabilidade boot liu atu iha hanoin katak sira mak elejível atu hetan mós sira seluk.

**Karik ema ruma iha ita-nia uma-kain simu apoiu seluk ruma hanesan parte husi governu nia programa ba pakote sócio-ekonómiku/estímulo/rekuperasaun?**




Tipu apoiu sira seluk ne'ebé uma-kain sira simu inklui asisténsia finanseira iha forma empréstimu, kréditu ka mikrofinansas privada (5%).


Porsentu sianulu resin-tolu (93%) husi respondente sira ne'ebé elejível ba subsidiu eletricidade nian klasifika ida-ne'e katak pelumenus di'ak, inklui 59% ne'ebé klasifika ida-ne'e katak di'ak tebes. Respondente sira ne'ebé mak elejível atu hetan subsidius saláriu ba traballadór nian (84%) no empréstimus ba mikroempresas (82%) klasifika apoiu ne'e katak pelumenus di'ak.

Respondente sira fó klasifikasaun ne'ebé ki'ik liu kona-ba subsidiu ba saláriu traballadór nian se sira hela iha Dili (68% pelumenus di'ak).

**Nível satisfasaun ho apoiu/subsídium governu nian (Ba ema sira ne'ebé elejível)**



**Ita-boot hetan informasaun iha-ne'ebé kona-ba atu simu apoiu husi governu?**



Televizaun ka rádiu klaramente nu'udár fonte ne'ebé komún liuhotu relaciona ho informasaun kona-ba apoiu husi governu (78%). Fonte informasaun sira seluk inklui mídia sosiál (6%), website governu nian (5%) no Xefe/lideransa komunitária (5%).


Proporsaun ida aas husi respondente sira iha Dili mak hetan sira-nia informasaun husi website governu (12%) kompara ho respondente sira iha li'ur ba Dili (1%), enkuantu respondente sira iha li'ur ba Dili iha probabilidade boot liu atu hetan sira-nia informasaun através televizaun ka rádiu (84%) kompara ho sira ne'ebé iha Dili laran (65%). Respondente sira ne'ebé la regularmente uza mídia sosiál ka internét iha probabilidade boot liu atu hetan informasaun liuhusi sira-nia Xefe ka lideransa komunitária (11%).

Governu implementa programa ida hanaran Eskola ba Uma, ne'ebé mós koñesidu nu'udár "Eskola Ba Uma". Programa ne'e dezeña atu bele kobre labarik barak liu bainhira posível no inklui métodu sira liuhusi televizaun, rádiu, online, no distribuissau ba suratahan/livru. Porsentu neenulu resin-neen (66%) husi uma-kain sira mak hatudu katak labarik sira akompaña programa Eskola ba Uma nian pelumenus kada semana, ho porsentu ruanulu resin-ualu (28%) mak haree/akompaña kuaze loroloron. Sei iha uma-kain ho proporsaun konsiderável ne'ebé mak labarik sira nunca akompaña ba programa ne'e (27%).


Respondente no sira-nia uma-kain iha probabilidade boot liu atu akompaña Eskola ba Uma iha baze semanál se bainhira sira iha idade 17 to'o 24 (77%), konfia televizaun atu hetan informasaun kona-ba COVID-19 (73%), akompaña jornál, rádiu ka televizaun loroloron (74%) ka uza mídia sosiál ka internét loroloron (83%).

Besik metade husi respondente sira mak informa katak programa ne'e pelumenus di'ak (47%). Pursentu sanulu resin-lima (15%) husi respondente hirak-ne'e mak klasifika Eskola ba Uma katak di'ak tebes, no 39% mak hanoin katak ne'e baibain/natoon. Porsentu 14 de'it mak dehan katak ne'e aat ka aat tebes.


**Oinsá frekuente (dala hira) mak labarik sira iha uma-kain ida-ne'e haree ka akompaña/rona governu nia programa Eskola ba Uma?**



**Saida mak ita-nia nível satisfasaun kona-ba Eskola ba Uma? (Se aplika)**



**Karik labarik sira iha uma-kain ida-ne'e halo atividades edukasionál seluk?**



Akompaña Eskola ba Uma loroloron ne'e asiasadu ho satisfasaun aas ba programa ne'e ein jerál, ho sira hirak mak nia uma-kain iha labarik sira ne'ebé akompaña programa ne'e pelumenus loroloron, iha probabilidade boot liu atu klasifika ida-ne'e katak di'ak ka di'ak tebes (79%) kompara ho sira hirak ne'ebé mak akompaña ladún frekuente (33%). Respondente sira iha Dili ladún satisfaitu ho programa ne'e (36% pelumenus di'ak, kompara ho 51% iha li'ur ba Dili). Uma-kain sira ne'ebé mak agora daudaun halo hela auto-kuarentena, satisfaitu liu ho programa ne'e (63% pelumenus di'ak)

Atividades edukasionál seluk inklui inan-aman ka ema boot sira hanorin iha uma (58%), traballu-de-kaza direktamente husi programa Eskola ba Uma (24%), no vídeo sira iha YouTube (12%).


**Apoiu adisionál husi governu**

Hapara/hakotu Estadu Emerjénsia (55%) mak resposta ne'ebé komún liuhotu relasiona ho saida mak governu bele halo hodi fó apoiu ba ninia sidadaun sira. Sujestaun sira seluk inklui fó tan osan ba uma-kain sira (35%), no informasaun kona-ba atu asesu ba programas apoiu governu nian (17%), nune'e mós ho informasaun ba prevensaun COVID-19 (14%).

Iha proporsaun ida aas husi respondente sira ne'ebé mak la halo auto-kuarentena ne'ebé sujere atu hapara/hakotu tiha Estadu Emerjénsia (73%) kompra ho sira ne'ebé mak sei halo hela auto-kuarentena (31%). Respondente sira ne'ebé mak hetan impaktu negativu ba sira-nia rendimentu uma-kain tanba COVID-19 ne'e mós hakarak Estadu Emerjénsia atu hapara/hakotu tiha (68%).

Informasaun kona-ba atu asesu ba programas apoiu governu nian ne'e hanesan meu ida ba governu atu bele fó apoiu ba ninia sidadaun sira durante pandemia, hato'o husi respondente sira iha Dili (28%), serbisu iha área sira la'ós agrikultura nian (32%) no respondente sira ne'ebé mak agora daudaun halo hela auto-kuarentena (27%). Respondente fetu sira haree ba apoiu edukasionál ne'e nu'udár buat ruma ne'ebé governu bele halo di'ak liutan (19%), no nesesidade ba apoiu edukasionál ne'ebé maka'as liutan ne'e haree katak aas liu ba respondente sira ne'ebé mak sira-nia uma-kain akompaña programa Eskola ba Uma ladún regulár (19%).

**Durante períodu ida-ne'e, saida mak governu bele halo liutan hodi fó apoiu ba ninia sidadaun sira?**



## Impaktu sira sosiál no ekonómiku nian

Emak barakliu mak sente katak impaktu pesoál husi COVID-19 nian ne'e pozitivu envezde negativu ba aspetu barak husi sira-nia moris, ho exesaun ba empregu no rendimentu.

Pasa tempu ho familia ne'e konsidera hanesan impaktu ida pozitivu husi COVID-19 (53%), tanba sente sai parte husi komunidadade ida (53%) no saude fizika (53%).

Maioria husi respondente sira sente impaktus negativu ba sira-nia empregu (52%) no sira-nia rendimentu uma-kain (50%).


Foinsa'e sira ho idade entre 17 to'o 24 ladun sente pozitivu kona-ba sira-nia saude fizika (26%), relasaun pesoal (26%), pasa tempu ho familia (22%), sente sai parte husi komunidadade (22%) no kapasidade atu trata ho dezafius no estrese (22%).

Respondente sira ne'ebé mak reformadu, estudante ka kuidador sira sente pozitivu liu kona-ba sira-nia saude mental (53%), sira sente seguru oinsá (52%), sentidu moris nu'udar ema (51%), sente katak sosiedade simu sira (58%), no padraun moris nian (55%).

Uma-kain sira ne'ebé mak agora daudaun halo hela auto-kuarentena ladun sente pozitivu kona-ba medidas hotu-hotu, nune'e mos ho respondente sira ne'ebé mak la elejivel atu hetan subsidiu eletrisidade \$15.

Hanesan mos ho proporsaun ida aas kona-ba impaktu negativu, impaktu ba empregu no rendimentu uma-kain ne'e haree ba oinseluk uitoan husi pontu sira seluk. Buat ne'ebé interesante, respondente sira ne'ebé sente impaktu ida negativu ba rendimentu uma-kain nian ne'e


## Karik ita-boot bele dehan katak efeitu husi COVID-19 nian ba ita-boot pesoalmente ne'e sai...



iha tendénsia mós atu responde negativamente kona-ba impaktu ba sira-nia empregu, nu entantu, sira iha probabilidade menus atu responde negativamente ba pontu sira seluk iha grupu/kategoria ne'e nia laran.

Konsistente ho proposaun ba respondente sira ne'ebé indika impaktu ida pozitivu husi COVID-19 nian ba sira pesoalmente, porsentu 70 mak fiar katak COVID-19 ne'e halo sira-nia comunidade sai hamutuk liutan. Respondente sira ne'ebé mak agora daudaun halo hela auto-kuarentena ne'e hetok iha probabilidade boot liutan atu fiar ba ida-ne'e (84%), no fiar ida-ne'e mós haree ba aas entre respondente sira ne'ebé mak elejível atu hetan karik subsidiu eletrisidade (75%), subsidiu ba saláriu traballadór (86%) ka empréstimu ba mikroempresas (85%).


**Ita-nia hanoin oinsá katak iha ona mudansa iha ita-nia comunidade laran nu'udár rezultadu husi pandemia COVID-19?**



Maski maioria husi respondente sira konkorda katak pandemia ne'e halo sira-nia comunidade sai hamutuk/metin liutan, maibé sira mós iha hanoin katak ema sai suspeitozu ka tauk liutan ba sira hirak ne'ebé mak hetan ona, ka suspeita katak hetan COVID-19 (78%). Iha mós maioria mak fiar katak Timor-Leste sai menus tolerante hasoru ema sira ne'ebé mai husi fatin seluk ka ne'ebé ema iha comunidade laran la koñese (64%).


Respondente sira ne'ebé mak la konfia ba televizaun nu'udár fonte informasaun kona-ba COVID-19 iha probabilidade boot liu atu fiar katak Timor-Leste sai menus tolerante hasoru ema sira ne'ebé mai husi fatin seluk (87%).

**Ita-nia hanoin oinsá katak iha ona mudansa iha ita-nia comunidade laran nu'udár rezultadu husi pandemia COVID-19?**



Porsentu ruanulu resin-tolu (23%) husi merkadu sira mak sei loke nafatin iah respondente sira-nia área lokál. Merkadu sira iha probabilidade boot liu atu loke nafatin iha Dili (36%) kompara ho respondente sira iha li'ur ba Dili (19%).


**Iha merkadu hira mak loke iha ita-nia área lokál?**



Porsentu hitunulu (70%) husi respondente sira mak dehan katak iha loron 30 ikus ne'e nia laran, sira dala ruma tenki hamenus sira-nia porsaun ba han ka kesi-kabun tanba laiha osan sufisiente ba hahán.

Respondente sira ne'ebé serbisu iha indústria sira la'ós agrikultura nian (56%) iha probabilidade menus atu kesi-kabun ka hamenus porsaun, nune'e mós ho respondente sira ne'ebé mak uza média sosiál ka internét loroloron (59%).


**Iha loron 30 ikus ne'e nia laran, karik ita-boot hamenus porsaun ba han ka kesi-kabun tanba laiha osan sufisiente ba hahán?**



Pelumenus **dala ruma**  
**70%**

## Reziliénsia pesoál no komunitária nian

### Karik ita-boot konkorda ka lakonkorda ho deklarasaun sira tuirmai?



Apezarde sente katak Timor-Leste sai menus tolerante, kuaze besik respondente hotu-hotu (94%) konkorda katak ema hotu-hotu iha Timor-Leste bele moris hamutuk iha pás. Sira mós fiar katak populasaun barakliu iha sira-nia Aldeia mak prontu atu ajuda malu bainhira nesesáriu (94%), no mós katak sira halibur rekursus hamutuk hodi benefisia ema hotu (80%). Maioria (76%) mós konkorda katak populasaun iha sira-nia Aldeia só ajuda malu se bainhira sira iha relasaun raan, ho porsentu 13 de'it mak lakonkorda ho ida-ne'e. Un-kuartu (27%) husi respondente sira mak konkorda katak ema laiha konfiansa ba malu iha sira-nia Aldeia, ho porsentu 62 mak lakonkorda ho deklarasaun ida-ne'e.


Respondente sira ne'ebé hela iha Dili ladún konkorda katak ema hotu-hotu iha Timor-Leste bele moris hamutuk iha pás (89%) no mós katak ema barak tebes mak sei tulun malu bainhira nesesáriu (89%).

Se bainhira merkadu lokál sira taka, respondente sira iha probabilidade boot liu atu dehan katak ema bele moris iha pás (99%), maioria ema mak ajuda malu bainhira nesesáriu (99%), no mós katak baibain sira halibur rekursus hamutuk hodi benefisia ema hotu (89%). Sira iha probabilidade menus atu dehan katak ema só ajuda malu se bainhira sira iha relasaun raan (67%).

Feto sira iha probabilidade boot liu atu konkorda katak baibain sira halibur rekursus hamutuk hodi benefisia ema hotu (85%) duké mane sira (75%). Foinsa'e sira ho idade 17 to'o 34 ne'e mós iha probabilidade boot liu atu konkorda ho ida-ne'e (86%).

Porsentu hitunulu resin-ida (71%) husi respondente sira dehan katak kolega ka viziñu sira ba husu konsellu husi sira pelumenus dalabalun, nu entantu ida-ne'e só halo *beibeik/dala barak* 13% husi tempu. Iha ema maioria mak serbisu hamutuk iha projetu sira (58%) no fó ajuda ba kolega ka viziñu sira (58%) pelumenus dalabalun, maski tenki nota katak iha proporsaan ida aas mak nunka halo (41% ba rua hotu). Enkuantu porsentu 52 makpelumenus dalabalun simu tulun husi sira-nia kolega ka viziñu sira, uitoan de'it lato'o metade (48%) mak nunka hetan/simu.


### Buat hirak tuir mai nee akontese dala hira?





Fó no simu ajuda ne'e akontese pelumenus dalabalun iha li'ur ba Dili (63% mak fó no 58% mak simu) boot liu duké iha Dili laran (44% no 36%). Enkuantu impaktu husi COVID-19 ba rendimentu uma-kain nian ne'e negativu, iha ajuda menus (43% mak fó no 37% mak simu). Porsentu sianulu (90%) husi respondente sira mak hanoin katak pelumenus dalaruma loos duni katak sira bele adapta ba mudansa. Maioria husi respondente sira (85%) mós deskreve kona-ba sira-nia an katak sira bele rekupera depoizde hetan moras ka momentu susar. Respondente sira mak hela iha Dili iha probabilidade boot liu atu hanoin katak deklarasaun rua ne'e pelumenus dala ruma mak loos (96% mak adapta ba mudansa no 92% mak rekupera).

**Halonu'usá mak buat sira tuirmai ne'e deskreve kona-ba ita-boot?**




Relasaun ho família ne'e klasifikadu katak pelumenus di'ak husi maioria (92%) respondente sira, inklui 56% ne'ebé klasifika sira-nia relasaun katak di'ak tebes. Relasaun ho viziñu sira mós klasifikadu iha forma hanesan (88%). Iha proporsaun ki'ik uitoan mak klasifika relasaun ho sira-nia komunidadade ein jerál ne'e katak pelumenus di'ak (80%).

Ba respondente sira ne'ebé mak agora daudaun halo hela auto-kuarentena, porsentu 92 husi relasaun ho komunidadade ein jerál ne'e pelumenus di'ak. Se rendimentu uma-kain nian hetan impaktu negativu husi COVID-19, proporsaun ida aas kona-ba relasaun ho família (95%), viziñu sira (92%), no komunidadade ein jerál (87%) ne'e klasifikadu katak pelumenus di'ak.


Dezde Estadu Emerjénsia, un-tersu husi respondente sira (33%) dehan katak relasaun ho família sai melloradu ona. Porsentu ruanulu resin-noon mak dehan katak relasaun ho sira-nia viziñu sira ne'e sai melloradu ona, no porsentu 21 mak sira-nia relasaun sira sai melloradu ho komunidadade ein jerál. Iha proporsaun ki'ik ida (7%) mak dehan katak sira-nia relasaun ho komunidadade ein jerál ne'e sai aat liu dezde Estadu Emerjénsia.

Iha fatin sira ne'ebé mak maioria merkadu sira sei taka, relasaun sira sai melloradu entre família (42%) no viziñu sira (32%), wainhira kompara ho fatin sira ne'ebé mak maioria merkadu sira sei loka (melloria 23% ho família no 18% ho viziñu).

**Oinsá mak karik ita-boot sei klasifika ita-nia relasaun ho...**



**Dezde Estadu Emerjénsia ne'e hahú, karik ita-nia relasaun...**




## Notísias no informasaun

Maizumenus nain haat husi responde nain lima (81%) mak haree/akompañã televizaun pelumenus dala balun iha semana ida, ho porsentu 66 mak haree/akompañã televizaun loroloron. Ida-ne'e aas liu kompara ho uza mÍdia sosiál no internét (63% pelumenus dala balun iha semana ida, 33% mak loroloron) no rádiu (58% pelumenus dala balun iha semana ida, 33% mak loroloron). Jornál mak tipu husi mÍdia nian ne'ebé ladún uza ho frekuente (28% de'it mak pelumenus dala balun iha semana ida, 10% mak loroloron).


Dois-tersus husi respondente sira (66%) mak haree/akompañã televizaun loroloron. Un-tersu husi respondente sira uza internét (33%) ka rona husi rádiu (33%) loroloron. Iha parte seluk, iha ida de'it husi respondente nain sanulu (10%) mak lee jornál iha loroloron.

Utilizasaun ba fontes notÍzia no informasaun nian pelumenus dala balun iha semana ida ne'e aas liu iha Dili laran (94% televizaun, 41% jornál, 73% internét) kompara ho ema sira ne'ebé hela iha li'ur ba Dili (76% televizaun, 23% jornál, 59% internét). Utilizasaun ba rádiu nian ne'e laiha diferensa signifikativu entre Dili no iha li'ur ba Dili. Respondente sira ne'ebé serbisu iha sektór agrikultura nian iha probabilidade menus atu haree/akompañã televizaun (71%) lee jornál loroloron (16%), ka uza internét (51%) pelumenus dala balun iha semana ida, no uza mÍdia sosiál/internét pelumenus kada semana ne'e ne'e aas liu entre respondente sira ho idade 17-24 (80%) no 25-34 (72%) kompara ho respondente sira ne'ebé ho idade 45 ba leten (39%).

### Oinsá frekuente (dala hira) mak ita-boot uza tipu diferente husi mÍdia no divertimentu nian?




### Ida-ne'e ita-nia telefone rasik?



**79%** iha pelumenus telefone ida iha sira-nia uma-kain ne'ebé bele asesu ba internét

### Website ka aplikativus 5 aas liu ne'ebé uza dalabarak liu



Iha momentu hala'o levantamentu ida-ne'e, COVID-19 mak tópiku ne'ebé ema akompañá besik tebeshotu, iha-ne'ebé nain ida husi repondente nain lima mak akompañá tópiku ne'e besik tebes (23%) no dois-tersus husi respondente sira mak akompañá tópiku ida-ne'e pelumenus besik natoon (66%). Polítika nasional (56%) no lokál (50%) nian mós akompañá pelumenus besik natoon.

Respondente sira ne'ebé hela iha Dili signifkativamente iha probabilidade boot liu atu akompañá notísia sira relacionadu ho COVID-19 (83% kompara ba 60% iha li'ur ba Dili), polítika nasional (75% kompara ba 50%), polítika lokál (59% kompara ba 46%) no asuntu mundiál nian sira (58% kompara ba 46%).

Liu nain haat husi respondente nain lima mak iha sira-nia telefone rasik (82%), iha-ne'ebé kuaze respondente hotu-hotu ne'ebé iha telefone ne'e katak sira nian rasik, ka hatene ema ruma iha sira-nia uma-kain laran ne'ebé bele asesu ba internét ka mídia sosiál iha sira-nia telefone (79%).<sup>3</sup>


Respondente joven sira ho idade 17-24 iha probabilidade boot liu atu hetan asesu ba internét iha telefone ida (91%) kompara ho respondente sira ho idade 45 ba leten (67%). Respondente sira ne'ebé hela iha Dili, iha probabilidade boot liu atu hetan asesu ba internét iha telefone ida (89%) düké respondente sira ne'ebé mak hela iha li'ur ba Dili (75%). Respondente sira ne'ebé serbisu iha sektór agrikultura iha probabilidade menus atu hetan asesu ba intern'et iha telefone ida (70%) kompara ho sira hirak ne'ebé serbisu iha sektór sira la'ós agrikultura nian (92%). Porsentu sianulu resin-neen (96%) husi respondente sira ne'ebé iha asesu ba internét husi telefone ida iha uma-kain laran ne'ebé uza mídia sosiál loroloron.

Website ka aplikativu ne'ebé uza dalabarak liu mak Facebook (78%). Nain ida husi respondente nain tolu mak uza WhatsApp (33%) no maizumenus iha nain ida husi repondente nain lima mak uza YouTube (22%).

Respondente sira ne'ebé ho idade boot entre tinan 45 ba leten iha probabilidade boot liu atu asesu ba GMN Diario Nacional (10%) kompara ho sira ne'ebé iha idade 35 mai kraik (<1%).


<sup>3</sup> Tanba levantamentu ne'e halo liuhusi telefone, respondente hotu-hotu iha duni asesu ba telefone ida. Hanesan komparasaun de'it, iha 2018 porsentu 33 de'it husi respondente sira mak mak dehan katak sira iha asesu ba internét.

**Oinsá besik/di'ak mak ita-boot akompañia tópiku sira tuirmai ne'e?**



\*15.5+40.7=56.2%, 8.5+41.0=49.5%, 9.4+38.3=47.7%

**Fonte ba notísias no informasaun saida mak ita-boot konfia liuhotu?**



Televizaun mak nu'udár fonte informasaun ne'ebé konfia liu relaciona ho informasaun kona-ba COVID-19 ne'e (80%) no mós notísias no informasaun seluk (75%).

Rádiu mak nu'udár fonte segundu ba notísias ne'ebé konfia liu (12% ba COVID-19 no 17% jeralmente). Fontes sira seluk ba notísias no informasaun nian, hanesan internét ka mídia sosiál, Konsellu Suku ka lideransa komunitária no kolega, família ka viziñu sira ne'e hetan nível konfiansa ne'ebé menus.

Respondente sira ne'ebé serbisu iha sektór agrikultura nian hetan asesu ba notísias jerál no informasaun kona-ba COVID-19 nian husi televizaun ne'e menus kompara ho resposta sira ein jerál.


Liu dois-teresus husi respondente sira mak identifika RTTL no GMN (ida-idak 76% no 67%) nu'udár kanál televizaun ne'ebé mak sira haree/akompañá dala barak liu.

Respondente sira ne'ebé reformadu, estudantes ka kuidador ne'e iha probabilidade boot liu atu haree/akompañá RTTL (87%) kompara ho respondente sira ne'ebé dezempregadu (63%). Respondente sira ne'ebé la uza mídia sosiál ka internét ne'e iha probabilidade boot liu atu haree/akompañá RTTL (85%). Respondente sira ne'ebé lee jornál, rona ba rádiu ka haree/akompañá televizaun loroloron ne'e mós iha probabilidade boot liu atu haree/akompañá RTTL (79%).


Hanesan temi iha leten, porsentu 17 husi respondente sira prinsipalmente fiar ba rádiu atu hetan notísias no informasaun seluk. Iha estasaun oiin lubuk ida mak respondente sira rona bá bainhira halo komparasaun ho número kanál televizaun nian ne'ebé sira haree/akompañá. Liu nain ida husi respondente nain lima mak informa katak sira rona bá RTTL (42%), Rádiu Maubere (29%), no GMN (20%).

Respondente mane sira iha probabilidade boot liu atu rona bá Rádiu Komunitade (22%, kompara ho feto sira 5%) embora respondente feto sira iha probabilidade boot liu atu rona bá GMN (31%, kompara ba 5%).


### Kanál televizaun saida mak ita-boot sira haree/akompañá dala barak liu?



### Estasaun rádiu saida mak ita-boot sira rona bá dala barak liu?



### Dezafiu 5 ne'ebé aas liu relaciona ho asesu ba informasaun




Besik metade husi respondente sira mak dehan katak sira-nia dezafiu prinsipál ida atu asesu ba informasaun nian mak katak osan ne'ebé limitadu (48%). Respondente sira ho idade 17 to'o 24 iha probabilidade boot liu atu hasoru dezafius hodi asesu ba informasaun tanba osan ne'ebé limitadu (58%), kompara ho sira ne'ebé ho idade 45 ba leten (37%), nune'e mós ho respondente sira ne'ebé hela iha lí'ur ba Dili (54%) kompara ba respondente sira ne'ebé hela iha Dili (33%).


## Perfil Respondente nian

Rezultadu sira ba Distritu, Jéneru no Idade ne'e uza dadus ponderadu. Variável hirak-ne'e rasik uza hanesan variável ba ponderasaun nian – no detalles liutan nune'e mós ho sira-nia pontus-korte ida-idak nian bele haree iha seksaun metodolojia.


### Distritu




### Jéneru




### Idade




### EMA BOOT HO IDADE 17 BA LETEN / LABARIK HO IDADE 17 MAI KRAIK NAIN HIRA MAK HELA IHA ITA-NIA UMA-KAIN?




### Ita-nia okupasaun mak saida?




### Ita-boot serbisu iha-ne'ebé? (Se serbisu – seluk)



### Karik ita-nia uma-kain simu pagamentu ruma husi governu?



### Iha loron baibain, lori tempu hira ba ita-boot atu la'o hodi ba kuru bee?



## Metodolojia

### Kestionáriu ne'e dezenvolve halonu'usá?

Fundasaun Ázia mak lidera dezenvolvimentu ba kestonáriu, ho ORIMA Research mak fó konsellu bainhira apropiadu. Pergunta sira foti husi peskiza anteriór ne'ebé Fundasaun Ázia realiza ona, nune'e mós ho ORIMA Research nia levantamentu ba Rastrei Rekuperasaun COVID-19 (Recovery Tracker survey), entre levantamentu internasionál seluk ba COVID-19 nian. Fundasaun Ázia mak supervizona programasaun no tradusaun ba kestonáriu sira ba iha Open Data Kit (ODK), plataforma software ida ba levantamentu nian ho kódiu nakloke (open-source survey software platform).

### Oinsá mak dezenvolve kuadru amostra nian no mós oinsá ho ninia efikasias?

Kuadru amostra ba Wave 1 ne'e foti husi número validasaun sira ne'ebé fornese husi respondente anteriór sira ba Levantamentu Tatoli nian iha Timor-Leste (n=2,307). Limpeza ba amostra ne'e envolve remosaun ba número sira ne'ebé mamuk/inválidu (n=1,998) no número sira ne'ebé duplikadu (n=121). Iha total, halo xamada telefónica 2,123. Número 232 mak rezulta iha peskiza ne'ebé kompleta, respondente nain 30 mak lakohi atu participa no número 1,666 mak la funsiona. Mantein rezervas ba ema hamutuk nain 35.

Taxa resposta husi kuadru amostra nian ne'e kalkuladu ba número husi peskiza final ne'ebé kompleta mai husi kuadru amostra nian (n=232) divide/fahe ba número/kuantidade husi número telefone sira ne'ebé válidu iha kuadru amostra nian (n=2,307), iguál/hanesan ho 10.0%.

Wainhira liga ba número ida no ema seluk ida mak responde/hatán, entaun ema ida-ne'e mós bele kompleta peskiza ne'e (n=168). Iha forma hanesan, depoizde kompleta tiha peskiza ne'e, respondente sira mós bele sujere ema sira seluk ne'ebé dala ruma hakarak atu participa (n=23). Kuaze respondent hotu-hotu (n=417) mak fó permisauun atu kontaktu fali ba sira iha peskiza sira aban-bainrua nian. Embora foti ona medidas hodi halo peskiza ida-ne'e sai representativa bainhira posível, maibé amostra husi projetu ida-ne'e nian klasifikadu nu'udár probabilidade-laek.

### Entrevista telefónica ne'e hala'o halonu'usá?

Atu hala'o serbisu terrenu nian, Fundasaun Ázia halo parseriau ho ONG ida bazeada iha Dili hanaran MDI. Sanulu resin-ida husi sira-nia entrevistadór sira-ne'e mak anteriormente serbisu ona iha projetu levantamentu sira ba Fundasaun Ázia. Iha total, entrevistadór nain 14 mak formadu, simu orientasaun no hala'o entrevista ba projetu.

99% husi respondente sira mak hakarak duni atu hetan kontaktu filafali ba fins validasaun nian. Funsionáriu sira husi Fundasaun Ázia nian kontaktu filafali ba ema nain 27 husi respondente hirak-ne'e, no lahasoru problema boot ruma. Monitorizasaun mós hala'o liuhusi funsonáriu sira husi Fundasaun Ázia.

Serbisu terrenu ne'e realiza entre loron 19 no 25 Maiu 2020. Durasau media ba entrevista (LOI) mak minutu 47 no segundu 25. LOI ida-ne'e esklui kazu 25 iha-ne'ebé entrevista ne'e la'o ho durasau oras haat resin, ne'ebé dala ruma tanba entrevistador lahatama levantamentu final nian. Entrevista tolu mak hala'o iha Fatuluku, no sira seluk hala'o iha lian-Tetum. Respondente sira simu pulsa telefone \$2 ba sira-nia partisipasaun iha peskiza ne'e.

Kuota	Proposta mínima	Alkansa
Mane iha Dili	38	51
Feto iha Dili	38	58
Mane la'ós-Dili	150	161
Feto la'ós-Dili	150	153

## Medidas saida mak foti ona hodi garante katak dados ne'e reprezenta duni populasaun iha Timor-Leste?

Peskiza ne'e dezeña atu sai representativu to'o iha pontu posivel ba populasaun adulta (17+) iha Timor-Leste hanesan define iha Sensus 2015 nian. Konsiderasaun sira iha abordajen ba amostra nian ne'e inklui neseseidade atu fasilita komparasaun sira entre Dili no distritu sira seluk, nune'e mos ajusta tuir ba durasau tempu ne'ebé relativamente badak no amostra ne'ebé limitadu.

Kuotas minima (haree iha sorin-loos) ne'e define atu garante kobertura jeneru no jeografiku ne'ebé adekuada.

Aleinde ne'e, distritu ida-idak iha li'ur ba Dili iha kuota minima ne'ebé proporsional ba sira-nia populasaun. Kuota minima neseseiriu ba distritu ida-idak mak ema nain 10. Distritu sira ho numeru populasaun aas (hanesan Baucau no Ermera) iha kuota minima ema nain 25.

Kazu 423 ne'e tetu hasoru indikador populasaun nian hanesan define ona iha Sensus 2015. Ida-ne'e atu korrije parsialidade resposta husi mane no idade media sira, nune'e mos ho amostrajen ba Dili nian ne'ebé boot liu uitoan. Ponderasaun ba Metodu Iterativu Aleatoriu [Random Iterative Method (RIM)] nian uza pakote anesrake iha R studio mak hili nu'udar metodu ponderasaun ne'ebé apropiadu liu ho konsiderasaun ba komparabilidade iha futuru, simplisidade no representasaun ba populasaun. Dadus kona-ba variavel sira ne'ebé uza ba ponderasaun, proporsau iha populasaun laran, naun-ponderadu no ponderadu nian mak hanesan hatudu iha sorin-loos.

	Populasaun (N=662,285)	Naun-ponderadu (n=423)	Ponderadu (n=423)
Idade			
<b>17-24</b>	28%	14%	28%
<b>25-44</b>	41%	53%	41%
<b>45-120</b>	31%	33%	31%
Jeneru			
<b>Mane</b>	50%	59%	50%
<b>Feto</b>	50%	41%	50%
Lokál			
<b>Dili</b>	26%	30%	26%
<b>La'ós Dili</b>	74%	70%	74%

## Etapas ba prosesamentu dadus nian saida mak foti ona?

Bainhira ORIMA simu tiha dadus, ezejuta etapa sira ba prosesamentu dadus nian hanesan tuirmai:

- Kazu par haat mak konsidera katak iha risku aas atu sai duplikadu tanba iha numeru telefone ne'ebé hanesan, naran hanesan, demografiku hanesan, no modelu resposta ne'ebé hanesan. Ba par hirak-ne'e, duplikadu ida mak hasai tiha no ida seluk mantein.
- Resposta 710 ba sekuensia/série perguntas nian iha Tetun ne'e nia tradusaun halo husi Fundasaun Ázia.
- Resposta 12 "La hatene" iha pergunta sira ne'ebé husu resposta liu ida ne'e halo ho eskuziva.
- Kazu 64 ho pergunta liu sia mak kodifikadu.
- Kuadru ba kodigu nian ne'e dezenvolidu ba perguntas rua (q32d no q34d).
- Rótulus ba variavel no rótulus ba valór nian ne'e verifikadu no modifikadu ba fins relatóriu nian.
- Ponderasaun ne'e realiza hanesan hato'o ona iha leten.



## Oinsá mak hau bele iha konfiansa ba rezultadu sira?

Rezultadus levantamentu nian ne'e kontein respostas husi respondente n=423. Tamañu efektivu amostra nian sukat ba tamañu ekivalente amostra nian hetan amostrajen perfeita ne'ebé uza sein ponderasaun. Eskema ba ponderasaun iha leten ne'e resulta iha tamañu amostra ida efektivu ba 354. Marjen erru estatitiku nian, bazeia ba tamañu amostra efektivu, mak +- 5.2% iha nível konfiansa 95%. Ida-ne'e bele uza hanesan matadalan jerál ida bainhira determina se rezultadu sira-ne'e diferente duni ka diferente purakazu de'it. Faktór sira seluk, mak hanesan métodu amostrajen, parsialidade naun-resposta no erru iha medisaun nian mós tenke tau iha konsiderasaun bainhira halo interpretasaun ba rezultadu sira.

Figura sira iha testu laran ne'e sinalizada iha forma diferente entre sub-grupu sira ne'e konsidera katak signifikante ba pelumenus kategoria ida seluk wainhira uza Welch T-test ho intervalu konfiansa 95% ho korreksaun Bonferroni nian ida iha interfase cTables husi SPSS nian. Análize ba diferensas entre sub-grupu sira-ne'e sujeita ba marjen erru sira ne'ebé aas liu no teste hirak-ne'e tau ida-ne'e iha konsiderasaun. Nu entantu, sira só bele uza hanesan matadalan jerál de'it. Teste sira-ne'e la destaca bainhira la eziste diferensa iha sub-grupu. Porezemplu, iha diferensa balun tuir jéneru. Iha relatóriu ida-ne'e nia laran, la'ós figura hotu-hotu sei adisionadu hodi sai 100% devidu ba arredondamentus.

## Kona-ba Fundasaun Ázia

Fundasaun Ázia nu'udár organizasaun dezenvolvimentu internasionál naun-lukrativu ne'ebé iha kompromisu atu hadi'ak ema nia moris iha rejiaun Ázia ne'ebé dinámiku no dezenvolve daudaun hela. Halo serbisu através ami-nia eskritóriu sira iha nasaun 18 no informadu liuhusi esperiénsia lokál ne'ebé kle'an no mós ho esperiénsia durante dékada neen nia laran, ami tau-matan ba kestaun krítiku sira ne'ebé afeta ba Ázia iha sékulu da-21 ne'e nia laran liuhusi: hametin governasaun, habelar oportunidade ekonómiku, hasa'e reziliénsia ambientál, haberan feto sira, no promove kooperasaun internasionál. Iha Timor-Leste, Fundasaun ne'e agora daudaun foka ba hametin governasaun no política, hapara violénsia kontra feto, dezenvolve turizmu inkluzivu, no promove pás no justisa.

Atu hetan informasaun liutan kona-ba Fundasaun Ázia favór vizita [asiafoundation.org](http://asiafoundation.org), ka kontaktu:

**Pauline Tweedie** – Representante Nasionál – Dili, Timor-Leste – [pauline.tweedie@asiafoundation.org](mailto:pauline.tweedie@asiafoundation.org)

**Diresaun:** Avenida Luro Mata, Bairro Metin II, Bebonuk - Dili, Timor-Leste

**Tel:** + 670 331-3457

## Kona-ba ORIMA Research

Ami hakarak hato'o agradesimentu ba ekipa projetu Fundasaun Ázia iha Timor-Leste (Pauline, Gobie, Christine) ba sira-nia kolaborasaun iha realizasaun ba peskiza ida-ne'e. Agradesimentu espesial tenki hato'o ba Mana Nesa hodi koordena serbisu terrenu iha Timor-Leste laran, no entrevistador nain 14 bazeada iha Dili ne'ebé hala'o ona telepeskiza liuhusi telefone.

Hato'o mós agradesimentu ba respondentes levantamentu nian hotu-hotu hamutuk nain 423 ba sira-nia partisipasaun iha projetu peskiza ida-ne'e.

Iha ORIMA Research nia laran, agradesimentu espesial hato'o ba Audrey Yew no Larissa Huang ba sira-nia serbisu apoiu husi kotuk iha elaborasaun relatóriu no vizualizasaun Q2i.

Atu hetan informasaun liutan kona-ba ORIMA Research favór vizita ami-nia website [www.orima.com.au](http://www.orima.com.au), ka kontaktu:

**Frank Pietraroia** – Konsultór Peskiza Asosiadu – Melbourne, Austrália – [frank.pietraroia@orima.com](mailto:frank.pietraroia@orima.com)

**David Bruce** – Parseiru Asosiadu – Canberra, Austrália – [david.bruce@orima.com](mailto:david.bruce@orima.com)

Relatóriu ida-ne'e prodús halo tuir padraun internasionál ISO20252.